

**“ТАСДИҚЛАНГАН”  
“O‘zenergositish” АЖ  
Ягона акциядорининг  
2024 йил 29 ноябрдаги  
9-сонли қарори билан**

**“O‘ZENERGOSOTISH” АКЦИЯДОРЛИК ЖАМИЯТИНИНГ  
КУЗАТУВ КЕНГАШИ ТЎҒРИСИДАГИ  
НИЗОМ**

**Тошкент– 2024 йил**

## **МУНДАРИЖА**

<b>I. УМУМИЙ ҚОИДАЛАР</b>	<b>3</b>
<b>II. КУЗАТУВ КЕНГАШИНИНГ ВАКОЛАТЛАРИ</b>	<b>3</b>
<b>III. КУЗАТУВ КЕНГАШИ АЪЗОЛАРИНИ САЙЛАШ, ТАЙИНГЛАШ ВА ВАКОЛАТЛАРИНИ МУДДАТИДАН ОЛДИН ТУГАТИШ</b>	<b>5</b>
<b>IV. КУЗАТУВ КЕНГАШИ РАИСИ</b>	<b>6</b>
<b>V. КУЗАТУВ КЕНГАШИНИНГ МАЖЛИСЛАРИ</b>	<b>6</b>
<b>VI. КУЗАТУВ КЕНГАШИ АЪЗОЛАРИНИНГ ҲУҚУҚ ВА МАЖБУРИЯТЛАРИ</b>	<b>8</b>
<b>VII. КУЗАТУВ КЕНГАШИ АЪЗОЛАРИНИНГ ЖАВОБГАРЛИГИ</b>	<b>9</b>
<b>VIII. ЯКУНИЙ ҚОИДАЛАР</b>	<b>9</b>

## **I. УМУМИЙ ҚОИДАЛАР**

Мазкур Низом Ўзбекистон Республикаси “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Қонуни ҳамда Ўзбекистон Республикаси Президентининг 2022 йил 8 апрелдаги “Тадбиркорлик муҳитини яхшилаш ва хусусий секторни ривожлантириш орқали барқарор иқтисодий ўсиш учун шарт-шароитлар яратиш борасидаги навбатдаги ислоҳотлар тўғрисида”ги ПФ-101-сон Фармониға мувофиқ ишлаб чиқилган. Ушбу Низом Кузатув кенгаши мақомини белгилайди ва Жамият Кузатув кенгашини, унинг аъзоларини сайлашни, шунингдек уларнинг ҳуқуқ ва мажбуриятларини тартибга солади.

Ушбу Низомда акциядорлик жамиятининг кузатув кенгашини (кейинги ўринларла - Кузатув кенгаши) ташкил этиш ва бошқариш, унинг аъзоларини сайлаш, шунингдек уларнинг ҳуқуқлари, мажбуриятлари ва жавобгарликларини белгилаб берувчи меъёропар келтирилган.

Кузатув кенгаши “O'zenergосotish” акциядорлик жамияти (кейинги ўринларла - Жамият) фаолиятида умумий раҳбарликни амалға оширади, фақатгина қонун ҳужжатларида ва жамият уставида акциядорнинг ваколатиға кирадиган масалаларни ҳал қилиш бундан мустасно.

Кузатув кенгаши аъзолари ўртасида функцияларни тақсимлаш кузатув кенгашининг ҳар бир аъзоси учун кузатув кенгаши раиси томонидан амалға оширилади.

## **II. КУЗАТУВ КЕНГАШИНИНГ ВАКОЛАТЛАРИ**

### **Кузатув кенгашининг ваколатиға қуйидагилар киреди:**

Жамият фаолиятининг устувор йўнапишларини белгилаш, Жамият ижро этувчи органининг ривожланиш стратегиясига эришиш бўйича кўрилган чора-тадбирлар тўғрисидаги ҳисоботини мунтазам тинглаш;

Жамият ягона акциядори томонидан кўриб чиқилиши учун масалаларни киритиш, фақатгина Ўзбекистон Республикаси “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Қонунининг 65-моддаси биринчи қисмида назарда тутилган ҳоллар бундан мустасно;

Жамият ягона акциядор томонидан кўриб чиқилиши учун масалаларни тайёрлаш;

Мол-мулкнинг бозор қийматини белгилашни ташкил этиш;

Жамият ижроия органининг аъзоларини сайлаш (тайинлаш), (Жамият бошқарув раисидан ташқари), уларнинг ваколатларини муддатидан олдин тугатиш;

танловни эълон қилиш тартибларини тавсифлаган ва танловни ўтказиш қоидаларини тасдиқланган ҳолда Ижроия органи раҳбари ва унинг аъзолари лавозимиға танловни ташкил этиш ҳамда объектив танлов меъзонлари асосида замонавий фикрлайдиган, замонавий талабларға жавоб берадиган юқори малакали менеджерларни ва шунингдек чет эл менеджерларини ишға қабул қилиш;

жамиятнинг ижро этувчи органига тўланадиган ҳақ ва (ёки) компенсацияларни Ўзбекистон Республикаси Вазирлар Маҳкамасининг 2015 йил 28 июлдаги “Давлат улуши бўлган акциядорлик жамиятлари ва бошқа хўжалик юритувчи субъектлар фаолияти самарадорлигини баҳолаш мезонларини жорий этиш тўғрисида”ги 207-сонли қарори билан белгиланган самарадорликнинг асосий кўрсаткичлари билан боғлаган ҳолда белгилаш;

Жамиятнинг ташкилий тузилмасини ҳамда Жамиятнинг ижроия органига тўланадиган ҳақ ва уларнинг энг юқори миқдорларини Ўзбекистон Республикаси Ҳукуматининг тегишли қарори билан белгиланган самарадорликнинг муҳим кўрсаткичларига боғлаган ҳолда маъқуллаш;

Жамият томонидан мулкни бегоналаштиришни, уни сотиш шакли ва механизмини белгилашни ҳамда жамият устав капиталига учинчи шахслар томонидан инвестиция киритиш бўйича келишувларни келишиш;

Корпоратив маслаҳатчини тайинлаш ва унинг фаолият тартибини белгиловчи низомни тасдиқлаш;

Жамиятнинг йиллик Бизнес-режасини тасдиқлаш. Бунда, келгуси йил учун Жамиятнинг бизнес-режаси жорий йилнинг 1-декабридан кечиктирмай Жамият Кузатув кенгашининг мажлисида тасдиқланиши керак;

ички аудит хизматини ташкил этиш ва унинг ходимларини тайинлаш, шунингдек ҳар чорақда унинг ҳисоботини тинглаш;

Жамиятнинг ижро этувчи органи фаолиятига оид ва Жамият Кузатув кенгашига юкланган вазифаларни бажариш учун ижро этувчи органдан ҳар қандай ҳужжатларни олиш. Олинган ҳужжатлар Жамият Кузатув кенгаши ва унинг аъзолари томонидан фақат хизмат мақсадларда фойдаланилиши мумкин.

аудит текширувини ўтказиш (мажбурий аудиторлик текшируви бундан мустасно) бўйича, шу жумладан ҳалқаро молиявий ҳисобот стандартларига мувофиқ тузилган Жамият молиявий ҳисоботининг ташқи аудитини ўтказиш тўғрисида қарор қабул қилиш.

аудиторлик ташкилотини ва унинг хизматлари учун тўловнинг энг юқори миқдорини белгилаш;

дивиденд миқдори, уни тўлаш шакли ва тартиби бўйича тавсиялар бериш;

жамиятнинг захира ва бошқа фондларидан фойдаланиш;

Жамиятнинг филиаллари, ваколатхоналари, унитар, шўъба ва тобе корхоналарини ташкил этиш ва тугатиш;

шўба ва тобе хўжалик жамиятларини ташкил этиш (улар акциядорлик жамияти ёки масъулияти чекланган жамият шаклида тузилади);

Ўзбекистон Республикаси “Акциядорлик жамиятлари ва акциядорларнинг ҳуқуқларини ғимоя қилиш тўғрисида”ги Қонунига биноан баланс қолдиқ қиймати ёки сотиб олиш қиймати бундай битим тузиш тўғрисида қарор қабул қилинган кундан бошлаб Жамиятнинг соф активларининг ўн бешдан эллик фоизгача бўлган мулклар юзасидан тузиладиган йирик битим бўйича қарор қабул қилиш;

Ўзбекистон Республикаси “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Қонунига биноан Жамиятнинг аффилиланган шахси билан битим тузиш бўйича қарор қабул қилиш;

тижорат ва нотижорат ташкилотларда жамиятнинг иштироки билан боғлиқ битимларни қонунда белгиланган тартибда тузиш бўйича қарорлар қабул қилиш;

жамият томонидан корпоратив облигациялар, шу жумладан акцияларга конвертация қилинадиган облигациялар чиқариш тўғрисида қарор қабул қилиш;

жамиятнинг корпоратив облигацияларини қайтариб сотиб олиш тўғрисида қарор қабул қилиш;

ахборот сиёсати тўғрисидаги низомни тасдиқлаш;

хайрия (ҳомий) ёки бепул ёрдам бериш тўғрисида қарор қабул қилиш;

Жамият корпоратив бошқарув тизимини баҳолаш учун мустақил ташкилотни танлов асосида жалб қилиш.

Жамиятнинг Кузатув кенгаши Корпоратив бошқарув Кодексининг тавсияларини жорий этиш учун қўйидагиларни амалга оширади:

Жамиятда тузилган ижро этувчи ва ички назорат органлари фаолиятини мувофиқлаштириш ва зарурат бўлганда Жамиятни ривожлантириш режаларини ишлаб чиқишни ташкил этиш ва уларда кўрсатилган мақсадларга эришилишини назорат қилиш учун мутахассисларни жалб қилиш;

Жамият ташкилий тузилмасинининг қонунчилик талабларга мувофиқлигини баҳолаб бориш ва шунингдек халқаро молиявий ҳисобот стандартларига мувофиқ йиллик молиявий ҳисоботларни эълон қилинишига ўтишни таъминлаш;

Корпоратив бошқарув кодекси тавсияларининг жорий этилиши ва бажарилишини назорат қилиш.

Жамият Кузатув кенгашининг ваколатига қонун ҳужжатларига ва Жамият Уставига мувофиқ бошқа масалаларни ҳал этиш ҳам киритилиши мумкин.

Жамият Кузатув кенгашининг ваколат доирасига киритилган масалалар Жамиятнинг ижроия органи ҳал қилиши учун берилиши мумкин эмас.

### **III. КУЗАТУВ КЕНГАШИ АЪЗОЛАРИНИ САЙЛАШ, ТАЙИНГЛАШ ВА ВАКОЛАТЛАРИНИ МУДДАТИДАН ОЛДИН ТУГАТИШ**

Жамият Кузатув кенгаши аъзолари ягона акциядор томонидан қонунчилик ва жамият уставига мувофиқ ҳолда уч йил муддатга сайланади.

Жамият Кузатув кенгашининг миқдорий таркиби Жамият Уставида белгиланади. Шу билан бирга, Жамият Кузатув кенгаши таркибига 2 тагача мустақил аъзо сайланиши мумкин.

Кузатув кенгашининг мустақил аъзолари мезонлари корпоратив бошқарув кодексида белгиланган.

Жамият Кузатув кенгашига таркибига сайланган шахслар чекланмаган тарзда қайта сайланиши мумкин.

Жамиятнинг ижроия органи рахбари ва унинг аъзолари Жамиятнинг Кузатув кенгашига сайланиши мумкин эмас.

Жамиятда меҳнат шартномаси бўйича ишлайдиган шахслар Жамият Кузатув кенгашининг аъзоси бўлиши мумкин эмас.

Кузатув кенгашининг сайланган аъзосининг ваколатларини муддатидан илгари тугатиш ягона акциядорнинг қарори билан амалга оширилади.

Жамият Кузатув кенгашига сайланадиган шахслар корпоратив бошқарувчи малака сертификатига (давлат улуши бўлган жамиятлар учун) эга бўлишлари керак.

Жамият Кузатув кенгаши аъзоларини сайлаш кумулятив овоз бериш йўли билан амалга оширилади.

Кумулятив овоз беришда ҳар бир акциядорга тегишли бўлган овозлар сони Жамият Кузатув кенгашига сайланадиган шахслар сонига кўпайтрилади ва акциядор битта номзод учун беришга ёки уларни икки ёки ундан ортиқ номзодлар ўртасида тақсимлашга ҳақлидир.

Энг кўп овоз олган номзодлар Кузатув кенгашига сайланган деб ҳисобланади.

#### **IV. КУЗАТУВ КЕНГАШИ РАИСИ**

Жамият Кузатув кенгашининг раиси Кузатув кенгаши аъзолари орасидан Кузатув кенгаши аъзолари умумий сонидан кўпчилик овоз билан сайланади.

Жамият Кузатув кенгаши ўз раисини Кузатув кенгаши аъзолари умумий сонининг кўпчилик овози билан қайта сайлаш ҳуқуқига эга.

Жамият Кузатув кенгашининг раиси унинг ишини ташкил қилади, Кузатув кенгаши мажлисини чақиради ва уларда раислик қилади, мажлисларда баён юритилишини ташкиллаштиради, акциядорларнинг умумий йиғилишига раислик қилади.

Жамият Кузатув кенгашининг раиси йўқлигида унинг функцияларини Кузатув кенгаши аъзоларидан бири амалга оширади.

Кузатув кенгаши раиси ёки кузатув кенгаши ваколат берган шахс Жамият номидан Жамиятнинг Бошқарув органи аъзолари билан шартномаларни имзолайди.

#### **V. КУЗАТУВ КЕНГАШИ МАЖЛИСЛАРИ**

Жамият Кузатув кенгашининг мажлиси Кузатув кенгаши раисининг ташаббуси, Кузатув кенгаши, ижро этувчи орган аъзосининг ва жами бўлиб Жамиятнинг овоз бериш ҳуқуқига эга бўлган акцияларнинг камида бир фоиз эгаллик қилувчи акциядор (акциядорлар) талабига биноан чақиради.

Жамият Кузатув кенгашининг мажлиси Кузатув кенгаши раиси томонидан ҳар чоракда камида бир марта чақирилади. Мажлисда қуйидагилар кўриб чиқилади:

ижро органининг Жамиятнинг йиллик Бизнес-режасини бажарилиши, Жамиятни ривожлантириш стратегиясига эришиш бўйича кўрилган чоратadbирлар тўғрисида, амалга оширилган ишлар ва корхона таркибига кирадиган корхоналар фаолияти кўрсаткичларига эришиш тўғрисида ҳисоботи;

ички аудит ҳисоботи;

Жамиятнинг ффилланган шахслари билан тузилган битимлар ва йирик битимлар мавжудлиги тўғрисида тафтиш комиссиясининг ҳулосаси, шунингдек, ушбу битимларнинг қонун ҳужжатлари ва Жамият ички ҳужжатлари талабларига риоя қилинган ҳолда тузилганлигини кўриб чиқиш.

Жамият Кузатув кенгашининг мажлисини ўтказиш учун кворум Жамият Кузатув кенгашининг сайланган аъзолари сонининг камида етмиш беш фоиздан кам бўлмаслиги керак.

Кузатув кенгаши аъзолари сони Жамият уставида назарада тутилган аъзолар сонининг етмиш беш фоиздан кам бўлган тақдирда, Жамият кузатув кенгашининг янги таркибини сайлаш учун акциядорларнинг навбатдан ташқари умумий йиғилишини чақиришга мажбурдир. Кузатув кенгашининг қолган аъзолари акциядорларнинг бундай навбатдан ташқари умумий йиғилишини чақириш тўғрисида қарор қабул қилиш ҳуқуқига эга.

Жамият Кузатув кенгашининг мажлисидага қарорлар иштирок этганларнинг кўпчилик овози билан қабул қилинади, Ўзбекистон Республикасининг “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги қонуни ва жамият уставида назарда тутилган ҳоллар бундан мустасно.

Жамият Кузатув кенгашининг мажлисида масалаларни ҳал қилишда, Кузатув кенгашининг ҳар бип аъзоси битта овозга эга.

Жамият Кузатув кенгаши раиси, Кузатув кенгаши аъзоларининг овозлари тенг бўлган тақдирда ҳал қилувчи овозга эга.

Жамият Кузатув кенгашининг бир аъзоси томонидан овозларни Кузатув кенгашининг бошқа аъзосига ёки учинчи шахсга ўтказишга йўл қўйилмайди.

Жамият Кузатув кенгашининг мажлисида баённома юритилади. Кузатув кенгаши мажлисининг баённомаси мажлис ўтказилгандан кейин ўн кундан кечиктирмай тузилади.

Мажлис баённомасида қуйидагилар акс эттирилади:

- мажлиснинг ўтказиш санаси, вақти ва жойи;
- йиғилишда қатнашадиган шахслар;
- мажлис кун тартиби;
- овозга қўйилган масалалар, улар бўйича овоз бериш натижалари;
- қабул қилинган қарорлар.

Жамият Кузатув кенгаши мажлисининг баённомаси мажлисда иштирок этган ва баённоманинг тўғрилиги учун жавобгар бўлган Кузатув кенгаши аъзолари томонидан имзоланади.

Жамият Кузатув кенгаши мажлисининг баённомаси имзоланган куни Жамият Бошқарув раисига ижро этиш учун тақдим этилади. Агар Кузатув кенгаши масалаларни Ягона акциядорнинг кўриб чиқишига ўтказиш тўғрисида қарор қабул қилса, ушбу қарор тўғрисидаги маълумотлар Жамият Бошқарув раисига Кузатув кенгаши мажлиси ўтказиган куни берилади.

Кузатув кенгашининг мажлиси сиртдан овоз бериш йўли билан ўтказилиши мумкин, фақат ички аудит ва ижро этувчи орган хисоботлари тингланадиган мажлис бундан мустасно. Бундай ҳолда, Жамият Кузатув кенгашининг қарорлари Кузатув кенгашининг барча аъзолари томонидан сиртдан овоз бериш йўли билан (сўров йўли билан) қабул қилиниши мумкин.

Агар техник воситалар, Кузатув кенгаши аъзоларини идентификация қилиш воситалари ва бошқа жихозлар мавжуд бўлса, кузатув кенгашининг мажлислари видеоконференция режимида ўтказилиши мумкин.

## **VI. КУЗАТУВ КЕНГАШИ АЪЗОЛАРИНИНГ ҲУҚУҚЛАРИ ВА МАЖБУРИЯТЛАРИ**

Кузатув кенгаши аъзоларининг ҳуқуқлари:

- Кузатув кенгашининг мажлисларида шахсан иштирок этиш, мажлисда муҳокама қилинган масала бўйича регламентда белгиланган муддат доирасида сўзга чиқиши;

- Кузатув кенгашининг қарори билан муайян давр давомидаги Жамиятнинг фаолияти тўғрисида ва уни ривожлантириш режаси тўғрисида маълумот олиш;

- қонунчилик ва жамиятнинг ички ҳужжатларида белгиланган тартибда Кузатув кенгаши аъзолиги билан боғлиқ вазифаларни бажарганлиги учун мукофот ва (ёки) товон пули олиш.

- қонун ҳужжатларида ва жамият уставида назарда тутилган бошқа ҳуқуқлар;

- Кузатув кенгаши ҳузурида тегишли масалаларни кўриб чиқиш ва жамиятнинг кузатув кенгашига тавсиялар тайёрлаш учун кўмиталар (ишчи гуруҳлар) тузиш, шу жумладан Стратегия ва инвестициялар кўмитасини, Аудит кўмитасини, Тайинлов ва ҳақ тўлаш кўмитасини, Коррупцияга қарши курашиш ва этика кўмитасини ташкил этиш.

Кузатув кенгаши аъзоларининг мажбуриятлари:

- Жамиятнинг аффилиланган шахслари томонидан таклиф этилаётган битим тўғрисидаги маълумотларни батафсил кўрсатган ҳолда ёзма билдиришнома юбориш орқали Жамият томонидан ушбу битимга алоқадорлиги тўғрисида Жамиятни хабардор қилиш;

- ўз вазифаларини виждонан, шунингдек Жамият манфаатлари учун энг мақбул деб ҳисобланган тартибда бажариш.

- қонун ҳужжатларида ва Жамият уставида назарда тутилган бошқа мажбуриятлар.

Кузатув кенгаши аъзолари шахсий манфаатлари йўлида Жамиятнинг имкониятларидан (мулкӣ ёки номулкӣ ҳуқуқлар, иктисодий фаолият соҳасидаги имкониятлар, Жамиятнинг фаолияти ва режалари тўғрисидаги маълумотлар) фойдаланиш ҳуқуқига эга эмаслар.

## **VI. КУЗАТУВ КЕНГАШИ АЪЗОЛАРИНИНГ ЖАВОБГАРЛИГИ**

Жамият Кузатув кенгашининг аъзолари ўз ҳуқуқларини амалга оширишда ва вазифаларини бажаришда жамият манфаатлари йўлида ҳаракат қилишлари ва қонунлар ва жамият уставига мувофиқ жамият олдида жавоб берадилар.

Агарда бир нечта шахс жавобгар бўлса, уларнинг Жамият олдидаги жавобгарлиги умумий тарзда солидар ҳисобланади.

Овоз беришда қатнашмаган ёки Жамиятни зарар кўришига олиб келган қарорга қарши овоз берган Кузатув кенгаши аъзолари жавобгарликка тортилмайди, Ўзбекистон Республикаси “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Қонунининг 90-моддасида белгиланган ҳолатлар бундан мустасно.

Жамият ёки жамиятнинг муомалада бўлган акцияларининг камида бир фоизига эгалик қиладиган акциядор (акциядорлар) Жамиятга етказилган зарарни қоплаш тўғрисида Кузатув кенгаши аъзосига қарши даво билан судга муурожаат қилиш ҳуқуқига эга.

## **VIII. ЯКУНИЙ ҚОИДАЛАР**

Кузатув кенгаши аъзоларини моддий рағбатлантириш Жамиятнинг Кузатув кенгаши аъзоларига ҳақ тўлаш тартиби тўғрисидаги низом асосида амалга оширилади.

Жамиятнинг тегишли бўлинмаси Кузатув кенгаши аъзоларини зарур материаллар ва маълумотлар билан таъминлаш, шунингдек акциядор ва инвесторлар билан алоқалар учун масъул ҳисобланади.

Акциядор ёки Кузатув кенгаши томонидан тайинланган котиб, шунингдек, жамият Кузатув кенгашининг котиби ҳисобланади ва унга куйидаги мажбуриятлар юклатилдаи:

- Кузатув кенгаши аъзолари ва ижро этувчи орган ўртасидаги ўзаро алоқада бўлган шахс сифатида ҳаракат қилиш;
- Кузатув кенгаши мажлислари учун тегишли маълумот ва ҳужжатларни тайёрлаш;
- акциядорга тақдим этиш учун ҳужжатларни тайёрлаш;
- Кузатув кенгаши номидан киритилаётган масалалар бўйича қарор лойиҳаларини акциядорга кўриб чиқиши учун тақдим этиш;
- акциядор томонидан қабул қилинган қарорларни, кузатув кенгаши, ижро органи ва ички аудиторга етказиш;
- Кузатув кенгаши мажлисларида котиб ва акциядор учун иш юритувчи вазифаларини бажариш;
- Кузатув кенгаши мажлиси баённомаларини юритиш;

- Кузатув кенгашининг баённомасини мажлис ўтказилгандан кейин 10 кундан кечиктирмасдан тузиш;

- Кузатув кенгаши мажлисларини ўтказиш учун ҳужжат ва маълумотлар тайёрлаш ва мажлисларга тайёрланиш босқичида Кузатув кенгаши аъзоларини иш материаллари билан таништиришни таъминлаш;

- Кузатув кенгаши мажлислари ва акциядорлар учун материалларни тегишли шаклда тайёрланишини таъминлаш;

- Кузатув кенгаши аъзоларига ва ижроия органи аъзоларига Кузатув кенгаши мажлислари учун тайёрланган материалларни тарқатиш.

Ўз вазифасини бажарганлиги учун акциядор ёки Кузатув кенгаши томонидан тайинланган котиб, Кузатув кенгаши ёки акциядорнинг қарори билан пул мукофотини олиш ҳуқуқига эга.

Ушбу низом талабларини бузганликда айбдор бўлган шахслар белгиланган тартибда жавобгар бўладилар.

Агар ушбу Низомнинг айрим моддалари Ўзбекистон Республикасининг амалдаги қонунчилигига ва/ёки Жамият Уставига зид бўлса, ушбу моддалар ўз қуучини йўқотган деб ҳисобланиб, ушбу моддалар билан тартибга солинадиган масалалар мазкур Низомга тегишли ўзгартиришлар киритилгунга қадар Ўзбекистон Республикасининг амалдаги қонунчилиги ва/ёки Жамият уставининг нормалари билан тартибга солинади.